

Die Spieloswaach'n kumma.

Die Kinno schbiel'n mit Schäufola
unn E-imola unn Saad.
"Waa lacht, daa is a Deufola"
singa die Mädla grad.
A Kle-ino greint, hot wos voluon....
Auf e-imol schbitz'n sa die Uhon
un hōan's von Weit'n brumma:
"Die Schbieloswaach'n kumma!"

Sie renna nunton Drottowaa
su fix wie je-ido kaa.
Dou kümmt do Bullgog langsam haa,
an galb'n Wouch'n draa.
Dös quietscht unn knärzt unn macht an Staab,
unn Buchschaam schdenn mit grüno Faab,
unn Kett'n schläaf'n nouch.
Heit is a gruoßo Douch!

Ball schdett do Schießhausblatz ganz vuol.
Dös He-ingenn werd vogass'n,
A Muddo will die Kinno huol:
"Jetzt gett's mit he-im zun Ass'n!"
Jetzt werd's erscht richtig schö-i dou huom:
werd ausgoloud'n , rundog'schuom, mit
mit Hammo schlaan sa Schdeibe nei:
Zun Schütz'nfest muß' fertig sei!

Unnschwarza Manno ouna Hemm
unn Fraan mit langa Hoa
die saan fremm aus unn blaudon fremm ...
a weng fercht'mo sich goa.
Doch backt mo aa a weng mit aa!
Amentla merkt sichs aa daa Maa
und leßt enn nouch ~~hazd~~ goa
ümsüst a boamool foa.

Ball secht mosch draa: Dös Fatz'n Drumm
wöad bschdimmt döe Ries'nroud.
Sie hamm halt ke-i Banobdigum,
dös is a wengla schoud.
Die Lechdo wann noch aamondieot,
jetz werd die Oachl ausbrowiert
unn an do Kassa sitzt die Fraa: ...
Wuu griech iich bluöß an Maigo haa?!